



„Wos ner frie'r fier putzsche Dinger posiert sein, dos sellt mr manches mu gar ni dlem. Fier etlichen Gohrn, stand an der Strauße vun Olbernhau

nuch Seiffn gleich in Grund dunten, de alte Bachfriedlmihle. Un wie nu dos is, in su enner Mihle, wu a immer annre Leite hinkumm, do muß doch a immr e bissl Schnops drheme sein. Un emu a bringt dor Budenfuhrmon e Fassl Kornschnaps mit aus Olbernhau. Weil der obr ohmst späte kam, kunntn se das Fassl nich erscht an Ort un Stelle schoffen, se dotens dorweile ins Gewelbe nein schteln. Hottn sich obr nischt dorbei geducht, doß da a Gense drinne worn. Wie nu de Gense ober sein, iberall e bill dron rim schnobbern, dos machn doch die Schindludrn ze gerne un so mocht siech die Viechr a übr dann Spund ha, se homs vielleicht gor gemerkt, doß da was guts drinne sein konnte. Nu kurz un gut, se hom am su lang genasselt, bis da Spund raus war, un da schinne Schnops rauslaffn tat. Wie nu obr die Viechr sein, e bissl Schnops, das saufn se doch a zu gerne. E su lange gesuffn, bis se

olle tutch worn, un se sich nich me von dr Schtelle rirn kunntn.

Wie nu annern Tog frieh beizeitn 'n Mhltränkner seine Fraa de Gense fittern will, worsche balle imgefolln fier Schreck. Ne su wos. Liechn die Viechr alle in dann Gewelbe un sein tut. Obr gor keene riert sich me. Nu do, ner fix 'n Mon gehullt, da muß de Soche angucken. Da kunnt nu a wetter nischt mochn, de Viechr sein am tut. Obr eb mersche nausschmeißn, da wulln mer die schinn Fadern rausruppn. Se setzn sich nu a olle gleich hin un ruppn de Gense obr a ganz noksche, se worn doch ema tut. Wieße nu dodrmit fertg worn, ging doch de annre Arbeit gleich luß un se kunntn doch de

Abb.: Grundmühle, auch Waldschänke genannt, um 1930



Viechr nich erscht eingrom, un dotn se derweile uffm Mist schmeißn. Na, dos Ding wor gut, dr Mhltränkner wor senn Schnops un a seine Gense luß.

Obr nu uf emu giht nuchmittsch e Gegogere luß un kee Mensch weeiß, wos dos sein kann. Bis nu `s Dienstmädl uffn Mist guckt, un wos musse do sahn. De gansn Gense huppn olle schplitternoksche uff dann Mist rimm. Notierlich fix, die annern gehullt, doß dies a sahn kunntn. Dos is jo a Dink, denkt der Mhltränkner, obr s bleibtn nischt annersch übrig, se fang nu de Viechr wiedr un schoffn se nein in de Stuwe. Se hott siech a olle Mihe gam un wulltn se drhalln. Obr die orm Ludersch die frurn derartsch un wos blieb Mhltränkner annersch übrig, se mußtn se ahm obstachn.

Sinstn worsch immr so gewasn, doß de Gense erscht tut gemocht wur un nuchertz geruppt, der alle Mhltränkner obr die hotts emu annersch gemocht - un dos ging a.“
(Aufgeschrieben im Jahre 1921)

Herausgeber:
Gemeinde Kurort Seiffen
www.seiffen.de

Gefördert durch:



Ahoj sousede. Hallo Nachbar.
Interreg V A / 2014 – 2020

